


**TEZAU LITURGIC**  
**7 MARTIE**

**ACATISTUL**  
**SF.7 IERARHI-**  
**MUCENICI**  
**DE LA**  
**CHERSON**



**MOSCOVA, 2000**



# **Акафист**

## **СВЯЩЕННОМУЧЕНИКАМ, в Херсоне епископствовавшим**

---

### **Кондак 1**

Избранныи угодницы Божии, святителие и мученицы Христовы - Василие, Ефреме, Евгение, Елпидие, Агафодоре, Еферие и Капитоне, в Херсоне епископствовавшии, всю страну нашу ученьми своими просветившии и землю нашу кровьми вашими освятившии, яко имущии дерзновение ко Господу предстательством и молитвами вашими у Престола Божия, от всяких нас бед свободите и пети вам научите: Радуйтесь, Священнии Отцы, за Христа кровь свою излиывшии!

### **Икос 1**

---

Ангели земнии и человецы небеснии, священномученицы седмочисленнии, Престолу Небеснаго Царя и Владыки вселенныя предстоящи, и нас, грешных, на земли сущих,

наставляющие, услышите молитвы наша с похвалами, от всея души к вам возносимыя:

Радуйтесь, заступницы наши и предстателие у Господа Бога предобрии;

Радуйтесь, первозванному Апостолу Андрею ревностнии подражателие.

Радуйтесь, по стопам его, освятившим область нашу, шедшии;

Радуйтесь, и венцы мученическия, якоже он, стяжавшии.

Радуйтесь, безбоязненнии веры Христовой проповедницы;

Радуйтесь, мужественнии истиннаго учения исповедницы.

Радуйтесь, за проповедание веры и жизни своей не пощадившии;

Радуйтесь, души своя за имя Христово положившии.

Радуйтесь, во глубины сатанинския дерзновенно прийти возревновавшии;

Радуйтесь, мрак языческаго многобожия в земли нашей разсеявшии.

Радуйтесь, от Солнца правды лучами вся концы ея озарившии;

Радуйтесь, и ныне нам благодатным светом своим светящи.

Радуйтесь, Священнии Отцы, за Христа кровь свою излиывшии!

### **Кондак 2**

---

Видяще многобожное мучительство идолопоклонства в земли нашей, души человеческия, по Образу Божию бывшия, во образ демонский претворявшее, возревновали есте, отцы святии, о спасении люте погибавших, и вся красная мира отвергше, бодренно приидосте научити их единому истинному Богу пети: Аллилуиа!

### **Икос 2**

---

Разум совершен стяжавше, идеже возсия мирови свет разума, наченше от Иерусалима, по слову Христову, изыдосте, богомудрии учителяе наши, с вещанием и глаголами жизни вечныя во всю землю, да просветите во тьме и сени смертней сидящих, и пети всех похвальныя песни вам научите:

Радуйтесь, велицыи таинники благодатнаго учения небеснаго;

Радуйтесь, сосуди избраннии, в нихже хранятся глаголы живота вечнаго.

Радуйтесь, умы, светом евангельским просвещеннии;

Радуйтесь, и сердца ваша истинным ведением исполнившии.

Радуйтесь, совершеннии человецы Божии, на всякое дело благое уготованнии;

Радуйтесь, великая дела Христовы в земли нашей богомудро совершившии.

Радуйтесь, Святии Отцы Церкви Христовой, словом и делом сиявшии;

Радуйтесь, столпи Божественныя Церкви и Православия непоколебимии.

Радуйтесь, зверообразных мучителей ваших неустрашившиися;

Радуйтесь, безчисленныя раны и поношения с терпением от них приявшии.

Радуйтесь, яко души своя, не за други токмо, но и за враги своя положили есте;

Радуйтесь, яко веру Христову в воздаяние мучителем своим даровали есте.

Радуйтесь, Священнии Отцы, за Христа кровь свою излиывшии!

### **Кондак 3**

---

Сила Вышняго осени вас, богомудрии святителие и мученицы Христовы, и благоплодное делание ваше во мраке идолослужения ходящим, яко село сладкое, озаренное Солнцем правды, показала есть, да вси хотящии на ниве, вами возделанной жати спасение, радостно воспевают Богу, Спасителю нашему: Аллилуиа!

### **Икос 3**

---

Имуще в душах и сердцах своих святую ревность о славе Божией, двоица от седмочисленных святителей - Василий богомудрый и Ефрем славный - первее вкупе трудистася, возвещающе многобожником Единого Истинного Бога; таже Ефрем многоплодный иде с проповедию Евангелия ко скифам, жившим по Дунаю, идеже, многи обратив ко Христу, усечен бысть мечем. Василий же, царское священство, возвещая учение

Христово херсонитом и обличая заблуждения неверных, возбуди противу себе гнев неверных, верных же научи воспевати таковая:

Радуйтесь, неустрашими воины Христовы, враги Божии победившии;

Радуйтесь, яко в броню правды одеявшеся, пребысте непобедими.

Радуйтесь, обувшии нозе свои во благовествовании мира и вспять невозвратившиися;

Радуйтесь, шлем спасения восприявшии и всех жаждущих спасения от него напоившии.

Радуйтесь, глаголом Божиим, аки мечем духовным, плевелы лжи посекавшии;

Радуйтесь, яко вещания ваша, богомудрии, не останахся тщетными.

Радуйтесь, святителие Божии - истиннии, душ своих за овцы словесныя не пощадившии;

Радуйтесь, мученицы Божии, венцы нетленные, уготованныя вам, приемшии.

Радуйтесь, подвигом добрым подвизавшиися до скончания жительства вашего;

Радуйтесь, и нам, грешным, образ подражания в себе явившим.

Радуйтесь, научающие нас последовати вашей вере, терпению и страданию;

Радуйтесь, явившийся в земли нашей, да засвидетельствуете Божественную истину кровию вашею.

Радуйтесь, Священнии Отцы, за Христа кровь свою изливавши!

#### **Кондак 4**

---

Бурю ярости гнева воздвигоша на блаженнаго Василия жители Херсонеса Таврическаго; претерпев же биения, мучения и изгнание из града их, святитель Божий водворися в пещере близ лежащей горы Парфенон, идеже радуяся, яко прият за Христа биения и раны, и, сетуя о мучителях, со слезами молися о обращении к Богу, да поют Ему: Аллилуиа!

#### **Икос 4**

---

Слышавше людие, изгнавшие просветителя своего из града, яко молитвами его воскресил есть Бог умершаго сына единого от них некоего знаменита, объяти быша ужасом и радостию,

исповедаша Бога истиннаго и введоша святаго Василия паки во град свой с велиею честью, нас же научиша воспевати угодником Божиим похвалы сицевыя:

Радуйтесь, в терпении мнозем стяжавшии души ваша;

Радуйтесь, яко претерпевающе до конца, и сами спасостесь и слушающих вас введосте во спасение.

Радуйтесь, правду, мир и радость о Дусе Святе стяжавшии;

Радуйтесь, милосердием и любовью к ближним свом исполнении.

Радуйтесь, нищету духовную, терпение скорбей и лишений богато имевшии;

Радуйтесь, яко незлобивии агнцы, Божественному Агнцу - Христу подражавшии.

Радуйтесь, приемшии от Бога благодать скорби и болезни в радость претворяти;

Радуйтесь, любовью вашею самых жестоких и зверонравных врагов в кротких агнцев обращавшии.

Радуйтесь, плач пред Богом и умиление блаженное обретшии;

Радуйтесь, кротостию и смирением Христу Спасителю уподобившись.

Радуйтесь, смирением своим высокая, нищетою же богатая явившии;

Радуйтесь, дела ваша хриstopодражательная всем зрящим показавшии.

Радуйтесь, Священнии Отцы, за Христа кровь свою излиявшии!

### **Кондак 5**

---

Боготечной звезде яве уподобися богомудрый Василий, егда чудом воскрешения отрока озари град Херсонес и окрестная его, и тамо живших ко Христу приведе. Аще же по сем нечестивии, по наущению злых жидовин, извлекше его из дома, связанного влачиша по стогнам град, биша и мучиша: обаче святой, и под жестокими ударами их молися о них, и тако предаде душу свою Богови, с похвальною песнию: Аллилуиа!

### **Икос 5**

---

Видяще мученическую кончину славнаго Ефрема и всехвальнаго Василия, пострадавших за проповедь Евангельскую в стране Тавроменийстей, святителие Христовы - Евгений божественный, Елпидий мудрый и

Агафодор богомудрый, в опасении, да не разорится тамо дело святого Василия злоумышлением жидовским, не убояшася из страны Геллеспонтския идти в землю нашу, продолжения ради благовестия Христова. Жителие Херсонеса с радостию прияша новых просветителей страны их, поучающе их с любовью взывати к ним:

Радуйтесь, вернии слуги Христовы и искреннии друзи Божии;

Радуйтесь, ревнителие Православия усерднии и идольскаго мракобесия искоренители премудрии.

Радуйтесь, за истинную веру Христову живота своего не щадившии;

Радуйтесь, любовью к Богу и ближним предивно воспламененнии.

Радуйтесь, апостольское великое служение подвигами своими восполнявшии;

Радуйтесь, стадо Христово, кровию Его искупленное, умножившии.

Радуйтесь, радостно на смерть за Христово учение шедшии;

Радуйтесь, бесовское гнездо безбоязненно силою Христова имени разорвавши.

Радуйтесь, кумирницы демонския и мнимыя их чтилища нещадно сокрушавши;

Радуйтесь, самага исконнаго врага Божия и человеческого горце уязвлявши.

Радуйтесь, христиан правоверных сладостное утешение;

Радуйтесь, ожесточенных гонителей веры Христовой грозное устрашение.

Радуйтесь, Священнии Отцы, за Христа кровь свою излиавши!

### **Кондак 6**

---

Проповедницы богоноснии, подвигом добрым подвизавшиися, веру бодрее соблюдшии и течение свое добре скончавшии, за страдания вами мужественно претерпенныя, соблюдеся вам от Подвигоположника Нашего - Господа Иисуса Христа - венец правды. Темже усердно поучающесе в ваших деяниях, с любовию поминаем вас - наставников наших, и тщащесе подражати вере вашей, смиренно вопием Богу: Аллилуиа!

## Икос 6

Возсия свет веры Христовой в стране нашей,  
яко полудне, егда пяточисленнии святителие  
наши души своя положиша за свидетельство в  
ней истины Евангельской, возсия нам и новый  
светильник Божий от Сиона - Еферий  
священнейший, егда воцарися великий  
Константин, покровительством христианству  
стяжавый себе имя равноапостольнаго. Видевше  
же людие, яко новый святитель бе равночестен,  
пред ним возопиша к ним:

Радуйтесь, святители Божии, Апостолом  
единонравнии;

Радуйтесь, отцы наши богомудрии.

Радуйтесь, учителяи Церкви всечестнии;

Радуйтесь, вселенским учителем  
сопрестольнии.

Радуйтесь, священномученики преславнии;

Радуйтесь, пастырие наши предобрии.

Радуйтесь, милосерднии наши просветители;

Радуйтесь, любвеобильнии наши наставницы.

Радуйтесь, изгнание правды ради  
претерпевшии;

Радуйтесь, раны, муки и болезни за спасение наше на себе понесшии.

Радуйтесь, неверие и суеверие наше победившии;

Радуйтесь, адскую силу и мрак греховный от нас отгнавшии.

Радуйтесь, Священнии Отцы, за Христа кровь свою излиывшии!

### **Кондак 7**

---

Хотяй мирно пасти овцы Церкви Херсонския и право правити в ней слово истины, святыи Ефериий двукраты хождаше в Царьград к царю Константину: первее испросити помощи на разорение твердыням языческим и заступление христиан от гонения, второе же - благодати царя за явленный покров к устройению паствы херсонския. Егда же возвращашеся от Царьграда к пастве своей, разболеся к смерти, приста к малому острову Алосу, идеже и предаде святую душу свою в руке Божии, с песнию: Аллилуиа!

### **Икос 7**

---

Новаго святителя дарова Церковь Восточная Церкви Херсонстей - Капитона всеславнаго,

егоже великою радостию прияша неточию людие правовернии, но и невернии; наипаче же, егда пред всеми сотвори чудо велие, невредимо пребыв во огни и на ризе своей изнес из пламени углие горящее, но не сожигающее. Известившеся о сем чудеси, царь и святии отцы Перваго Собора Вселенскаго прославиша Бога и великое дарование епископа Капитона, людие же, видевшии его, возопиша к своим святителем:

Радуйтесь, велиции наши и преславнии чудотворцы;

Радуйтесь, имущии веру, ничимже непоколебиму.

Радуйтесь, дерзновенным исповеданием веры Христовой всех удивившии;

Радуйтесь, мужественным страданием за веру Христову всех неверных посрамившии.

Радуйтесь, догматы веры православныя уяснившии;

Радуйтесь, правило веры и образ кротости стаду вашему показавшии.

Радуйтесь, отцы наши всечестнии и личе богокрасный;

Радуйтесь, слово спасения нам  
возвестившии.

Радуйтесь, на путь правый всех нас  
наставившии;

Радуйтесь, к любви горней души наша  
уязвившии.

Радуйтесь, яко вами направляемии, получаем  
от Христа Бога велию милость;

Радуйтесь, яко вами покрываемии в вечныя  
кровы вводимся.

Радуйтесь, Священнии Отцы, за Христа  
кровь свою излиывшии!

### **Кондак 8**

---

Странно бе видети, егда корабль, на немже  
Капитон святой идяше по нуждам Церкви своей  
в Царьград, от Херсонеса Таврическаго, схвачен  
баше бурею велию и принесен ко устьям  
Днепра - к нынешнему Херсону, идеже  
невернии людие корабль разграбивше, всех  
бывших на нем умертвиша, а епископа в водах  
утопиша, вернии же со слезами и рыданием  
Богу вопияху: Аллилуиа!

---

## Икос 8

Вси вы, святителие Христовы, ныне в  
вышних пребываете, но и нас, низших, не  
оставляете вашими молитвами и  
предстательством у Царя славы и Господа Бога  
нашего. Сего ради, недоумеюще благохвалити  
вас по достоянию, со умилением сердца, из  
глубины души, взываем к вам:

Радуйтесь, вере правой нас научающей;

Радуйтесь, надежду известную нам  
подающей.

Радуйтесь, любовь нелицемерную в нас  
воспламеняющей;

Радуйтесь, кротость и смирение в себе нам  
показывающей.

Радуйтесь, терпением и мужеством души  
наша украшающей;

Радуйтесь, нас, алчущих и жаждущих  
правды, насыщающей.

Радуйтесь, сердца наша благодатию Божиею,  
вам данною, очищающей;

Радуйтесь, очи наши духовныя к зрению Бога  
изоцряющей.

Радуйтесь, вражды и ссоры наша  
умиротворяющие;

Радуйтесь, всякий мрак заблуждения от нас  
прогоняющие.

Радуйтесь, к терпению бед, лишений и  
скорбей нас воодушевляющие;

Радуйтесь, в пренесении испытаний и  
гонений нас укрепляющие.

Радуйтесь, Священнии Отцы, за Христа  
кровь свою излившие!

### **Кондак 9**

---

Все лица Ангельстии, зряще подвиги ваша,  
святии священномученицы, по вере Христовой  
подъятыя, радостию велиею радовахуся, вы же  
по страдании своем на земли, вошедше в славу  
Божью на небеси, и сами исполнилися есте  
радостию неизглаголанною. Темже,  
водворившеся в небесных обителях, вкупе со  
Архангелы и Ангелы, присно воспеваете Богу:  
Аллилуиа!

### **Икос 9**

---

Витии многовещаннии, аще бы и многи  
языки имели и глаголати восхотели, не возмогут

исчести ваших трудов и воздыханий, скорбей и лишений, гонений и страданий, яже имели есте, учаще и проповедающе, настояще благовременне и безвременне, умоляюще и запрещающе, обличающе и увещавающе люди непокоривыя, за добро злом воздающия. Мы же, дивящися подвигом вашим, умиленно взываем к вам:

Радуйтесь, трудами вашими нас, ленивых, к доброделанию возбуждающих;

Радуйтесь, воздыханиями вашими нас, унылых, к молитве окрыляющих.

Радуйтесь, скорбями вашими нас, малодушных, в пренесении скорбей утверждающих;

Радуйтесь, гонениями, вами претерпенными, нас, слабых, укрепляющих.

Радуйтесь, лишениями вашими нас, нетерпеливых, к воздержанию подвигающих;

Радуйтесь, страданиями вашими нас, боязливых, ободряющих.

Радуйтесь, учением и проповедию вашею нас, темных, просвещающих;

Радуйтесь, наставлением вашим  
благовременным и безвременным нас,  
нерадивых, ко стыду приводящих.

Радуйтесь, умолением вашим по Христе нас,  
безпечных, безответными творящих;

Радуйтесь, прещением вашим нас,  
безстрашных, устрашающих.

Радуйтесь, обличением вашим нас,  
непослушных, посрамляющих;

Радуйтесь, увещанием вашим нас,  
противляющихся, к Богу приводящих.

Радуйтесь, Священнии Отцы, за Христа  
кровь свою излившии!

### **Кондак 10**

---

Спасти хотяй страну нашу, иже всем  
хотящий спастися и в разум истины приити,  
всемилоостивый Господь и Бог наш, избра и  
посла вас к нам, святителие Христовы, да ясно  
укажете всем zde живущим и хотящим спастися  
пути спасения, и всех научите пети Богу:  
Аллилуиа!

---

## Икос 10

Стена крепка и непоколебима есте, угодницы Божии, нам, влающимя и обуреваемым в мори житейстем, да выну зря море сие, воздвигаемое напастей бурею, к тихому пристанищу, ходатайству и заступлению вашему, грешнии, прибегаем и из глубины души с любовью вопием к вам:

Радуйтесь, поборницы веры Христовой непоколебимии;

Радуйтесь, покровители наши, некрыющиися от нашего притекания.

Радуйтесь, светильницы, во тьме греховней нам, блудящим, светящи;

Радуйтесь, кормчии святии, по водам плавающих управляющи.

Радуйтесь, от потопления в водах зельных нас спасающи;

Радуйтесь, ко пристани благонадежной всегда нас приводящи.

Радуйтесь, обуреваемых и бедствующих в мори надеждою обвеселяющи;

Радуйтесь, в плавании страждущих морскою болезнию оздравляющие.

Радуйтесь, сланое море страстей наших изсушающие;

Радуйтесь, гнездящиеся в нас гади малии и велицыи убивающие.

Радуйтесь, от грехопадений наших, имже несть числа, избавляющие;

Радуйтесь, миром и любовью к добру души наша снабдевающие.

Радуйтесь, Священнии Отцы, за Христа кровь свою излиывшии!

### **Кондак 11**

---

Пение всеумиленное приносим вам, святителие Христовы, с небесе на мольбы наша благосердно призирающие, всем нам, усердно вас призывающим, помогающим, и всех почитающих вы по достоянию спасающие. Темже молим вас - великих и усердных благопоспешников - научите нас, немощных, воспевати присто Богу: Аллилуиа!

---

## Икос 11

Светильницы Божии, благодатию Святаго Духа возженнии, не под спудом и одром положеннии, но на свещнице небесном поставленнии, и так присно пред престолом Божиим горящи, всему же миру и нам, грешным, на земли сущим, светящи, да видяще добрая дела ваша, прославляем прославльшаго вас Господа славы, и к вам от всего сердца вопием:

Радуйтесь, светом вашим нашу тьму греховную разгоняющи;

Радуйтесь, теплотою любви вашей наша хладная сердца согревающи.

Радуйтесь, облаком благодати Божией, данныя вам, от зноя житейскаго нас покрывающи;

Радуйтесь, палимыя зноем страстей души наша прохлаждающи.

Радуйтесь, молитвами вашими на нивы наша дожди благовременныя посылающи;

Радуйтесь, вся насаждения наша, во утешение и наслаждение наше, орошающи.

Радуйтесь, плодами земными, веселящими нас, души наша оплодотворяющие;

Радуйтесь, зверей и птиц, вреждающих полям и вертоградом нашим, отгоняющие.

Радуйтесь, трудолюбивых земледельцев плодами земными награждающие;

Радуйтесь, трудящихся во спасение дарами небесными исполняющие.

Радуйтесь, в поте лица хлеб свой снедающих тайно увеселяющие;

Радуйтесь, аще ядущих, аще пьющих, аще ли ино что творящих во славу Божию всех явно утешающие.

Радуйтесь, Священнии Отцы, за Христа кровь свою изливавши!

## **Кондак 12**

---

Благодать от Бога данная вам, угодницы Божии и страстотерпцы Христовы, веруем, яко неистощима есть и николиже иждиваема. Сего ради, с несумненною надеждою к вам, яко приснотекущим и независтным источником, притекаем; почерпающе же от вас воду живую, утоляющую нашу жажду духовную, вся наша нечистоты омывающую и наши горести

жителейскую утешительную, Богу, спасающему нас вами, с любовью вопием: Аллилуиа!

## Икос 12

---

Поюще ваши подвиги и страдания, блаженную кончину и водворение со святыми в небесных обителях, восхваляем ваша добрая дела, имиже угодили есте Господу Богу, имиже и нас научите, молимся, да прославляем Отца нашего Небеснаго купно с вами, да видят доброе житие наше заблуждающийся братья наши, от нас изшедшии, но не бывшии от нас, и вразумляются, яко ходим во свете, они же в обольстительной лжи пребывают, да негли купно с нами возопиют когда к вам:

Радуйтесь, за Христа на земли страдавшии и со Христом на небеси царствующии;

Радуйтесь, с высоты небесныя милостивно на нас, недостойных, призирающии.

Радуйтесь, похвалы наша, аще и недостойнии вас, благосердно приемлющии;

Радуйтесь, молитвам нашим, аще и немощным, с любовью внемлющии.

Радуйтесь, от всея души и сердца возносимая к вам прошения наша исполняющии;

Радуйтесь, во всех нуждах, бедах и обстояниях нам помогающих.

Радуйтесь, безвестная и тайная премудрости Божия нам открывающих;

Радуйтесь, благия мысли и чувства в недоумении нам сущим внушающих.

Радуйтесь, святые желания и намерения ко спасению нашему в сердца нам влагающих;

Радуйтесь, добрыми плодами веры, надежды и любви души наша исполняющих.

Радуйтесь, в час кончины вас на помощь призывающим предстательствующим;

Радуйтесь, по кончине нашей, с любовью души наша в свое общение пред Богом приемлющих.

Радуйтесь, Священнии Отцы, за Христа кровь свою изливавши!

### **Кондак 13**

---

О всеблаженнии угодницы Божии, святителие Христовы и страстотерпцы Василие, Ефреме, Евгение, Елпидие, Агафодоре, Еферие и Капитоне, услышите моления наша и благохваления, к вам возносимья, призрите на

вся наша нужды - душевныя и телесныя, помогите нам, странствующим в мори житейстем и далече отстоящим от вас, возвышайте наша мысли, чувства, желанія и намерения от земнаго к небесному, да безбедно прешедше сланое страстей море и минувше без боязни тени смертныя, преселимся радостно во страну живых, идеже представше пред лице Бога вечнаго, выну поем с вами: Аллилуиа! Аллилуиа! Аллилуиа!

*(Этот кондак читается трижды, затем икос 1 и кондак 1)*

